



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六一

榴實山莊詩鈔六卷榴實山莊詞鈔一卷榴實山莊試律二卷

榴實山莊文稿一卷 吳存義撰

一

守經堂詩集十卷 沈筠撰

一五九

思貽堂詩集十二卷思貽堂詩續存八卷思貽堂詩第三集四卷

思貽堂書簡八卷後永州集八卷 黃文琛撰

二七五

玩雲詩集四卷 黃文琛撰

七二九

榴實山莊詩鈔目錄

卷一

古近體詩一百首

卷二

古近體詩一百二十首

卷三

古近體詩一百零二首

卷四

古近體詩一百十五首

榴實山莊詩鈔卷一

卷五

古近體詩一百零二首

卷六

古近體詩七十九首

榴實山莊詩鈔卷一

吳存義 和甫

春日

曉色開書幌行吟步履輕路從千竹繞春爲萬花晴山
水分雲影樓臺共鳥聲年年二三月詩思滿江城

寄劉鵠庭

紫鳳樓丹山文彩何翩翩丹山一千仞紅玉流爲泉上
有青桐花惹情纏其巔春風日披拂桐高花愈妍鳳鳴
向花底雲璈聲清圓蓬瀛在咫尺流音及華年

榴實山莊詩鈔卷一

華年如初日擢穎冠扶桑灼燭五色霞散作百寶光羲
靈無停軌碧海何蒼茫盛景惜分寸朝煥暮復涼相思
渺雲漢轆轤迴中腸

海底有仙人瘦骨如香桃雲笈熟七籤聲名慚不高秋
風起西北萬里驚翠濤意氣託荃蘅顧盼亦復豪願言
攬元鬢雲路同翔翱

明月出東海照見海中珠淪漪相濯浴寶光溢四隅阻
修隔島嶼光彩良不殊子攬若木策我結滄江廬乘鷺
無風濤良覩非難圖寤寐寄相憶相憶實區區

區區懷中冰杲杲託知己碧雲吹不飛美人隔煙水秋水多芙蓉采采無時已何日集爲裳聯袂白雲裏尺素往復旋殷勤寄紅鯉

秋蝶

栩栩深秋蝶臨風意態斜新涼三徑逼舊夢一春差詩豈才名著圖偏瘦格誇雙飛復雙宿紅蓼又初花

秋燕

相識簾前燕秋來故故飛戀巢心自切久客計終非江堞催殘角山樓換夕暉道逢南雁侶好語不如歸

榴實山莊詩鈔卷一

二

柏木橋

煙濃村樹合江遠水雲空野鳥鳴深箐棉花拾晚風平橋隨犢過頽岸有潮通無限吟秋興蒼茫落照中

宿靖江寓樓

鍾鼓嚴更動一樓霜氣清故居重作客今夜若爲情酒盡征鴻過城高畫角晴獨吟依警枕猶記舊潮聲

寄朱愚溪

采藍不盈甌采綠不盈笊江月有圓虧相思無斷續五色手中絲纏綿十二時一織一顧杼宛轉槃中詩裁詩

意難倦階下霜鋪練一字百相憐不如一相見秋月澈夜明秋江澈底清望君隔揚子暮雲江上生江雲晚愈碧江潮晚愈急通詞託微波好打江頭楫

南樓看雪遂過散木二丈用石間八丈韻

起蹋雪聲碎朔風城上樓水支孤艇重林襯凍雲浮賭酒誰瓊席藏花幾玉鉤獨尋高卧者先問黑貂裘

醉蟹

郭索稱公子膏騰拜醉侯噉醕難獨醒入甕替君愁潦倒江湖夢酣嬉萸菊秋肯教孤左手先爲築糟邱

榴實山莊詩鈔卷一

三

同孫竹橋登邀月樓看菊用壁間詩韻

料峭霜華偏仄樓散襟人至當探幽一眉月起天涯夢四壁花生鏡裏秋舊雨追陪如沈范新詩摸索辨何劉幾時穩買屯溪棹醉向松蘿日唱酬

題畫同竹橋作

朱藤

重花兼疊葉春風自婀娜惹起題畫人鄉心濃於我

蘭

幽蘭懷芳馨無言媚空谷不見紉佩人滿幅湘雲綠

枇杷

一曲琵琶花富簾薦初暑風味憶塘西蔗漿合讓汝

蓮

江南可采蓮蓮葉何田田我唱江南曲中心自可憐

菊

三徑未全荒老菊黃於酒去年風雨中故園作重九

菘

葉重肥寒雨科分脆老晴小園歸未得羨煞庾蘭成

水仙

榴實山莊詩鈔卷一

四

肌膚若冰雪綽約若處子昔聞姑射仙今見洛浦水

雪羅漢

定裏寒雲證夙因翦冰爲骨水爲神棲禪朗悟空花境

住世莊嚴本色身暫與白牛同卧地勝將黃土笑搏人

此中妙果誰參得不動風旛淨六塵

祇林初地見罔黎淨域華嚴性未迷結習任教花著袂

枯禪久作絮沾泥機鋒一指當涼月壽相長眉似凍梨

卓錫布金何處住玉樓銀海是招提

不攜瓶鉢與蒲團一片冰心獨耐寒三宿應餘桑下戀

六如直把露同觀書蕉祇合依摩詰煨芋還愁近嬾殘
卅二裝成圓滿相拈槌豎拂靜中看

彈指池臺變相誇竟從膝六悟毘耶空香似繞梅檀氣

淨色宜簪薝蔔花面壁自知除四縛轉輪可解衍三車

天衣忉利渾無著冷坐閻浮獨結跏

結冬心跡喜雙清香火因緣歲晚情竹影梅花皆自在

雲階月地大光明誰從鹿苑樨圓相難向魚山寫梵聲

爲想閉門高卧客夜龕相對古先生

靜無能所能營騰已字胸前印一稜燒佛莫教求舍利

榴實山莊詩鈔卷一

五

制魔不礙近摩登澄觀淡定隨流水寂照玲瓏有慧燈

一卷楞嚴相映讀好參雪竇最初乘

血芝吟

爲汪丹林母陳太孺人作

寒風起庭廡坐客停銜卮斂袖肅清聽聽我歌血芝血

芝何煜煜近在南山陲山上松柏樹山下女蘿絲春風

爲纏結婀娜無參差媿媿陳家女情嬌多容儀結禡事

君子先後稱女師冰雪苦凝泣松柏摧高枝昔爲比翼

鳥今作孤飛雌孤飛引吭絕心繫離苦飢窮豈不點突

撤瑱難作糜買得采山斧樵蘇和淚炊山花滿歧路鄰

里春娛嬉東家阿姥至西家阿姑來閱此日作苦阿姥
前致詞昨看青廬女無而婉婉姿金翠飾髮鬢羅縠垂
葳蕤柘屐兩頭繫作計當勿遲如何桃李花乃就霜霰
萎含辛謝阿姥未語先漣漣山石有時泐妾心終不移
抽斧斷五指颯颯驚颺吹一指血一合墮地生芝莢上
有紫雲護下有紅露滋莖莖作血色殷如指斷時東家
阿姥至西家阿姑來色駭相偶語噴噴私詫奇齊心祝
所願紫誥封芝泥迢迢霞溪水映芝清淪漪岩岩溪上
山覆芝高屋屢作歌告輶軒勤采慎毋遺

榴實山莊詩鈔卷一

六

柳

東風吹綠鬪新鮮濃蘸波痕淡著煙離緒經時重觸撥
春情何處不纏綿樓臺細雨藏青瑣簫鼓斜陽繫畫船
輕暖輕寒三月近關心眠起嫩晴天

題徐生庵四丈悼亡姬雙卿詩冊

太華玉井水荅亭十丈蓮蓮開媚青霞蓮謝凝翠煙拗
蓮截作寸寸柔絲牽紐絲入雁柱化為鴛鴦絃一彈
春波瀉再彈秋月娟願君停錦瑟流光寶華年
女牀多青鸞嫋嫋樓煙竹鸞飛山鏡空餘竹抱寒綠美

人裁爲簫鳳翼參差束縹緲陟闌風吹作哀蟬曲仙雲
癡不飛流響悽以緝或者青鸞車盈盈迴曼睩
房中九張機機上五色絲顛倒織錦字淚結紅豆垂柔
條自繚繞持底慰相思抽刀斷機錦曲室生涼颼雨落
不上天花落不返枝珍重蓄光彩玉簫來有時

金陵送竹橋返新安

滄江波遠布帆斜風笛離亭起暮鴉千里鄉心生白嶽
六朝秋色又黃花酒從孫楚樓邊醉雲向宣平隱處遮
好去溪山同結屋苔磯爲買釣魚車

榴實山莊詩鈔卷一

七

舟中

二月橫塘路東風有棹歌樓臺新水近楊柳早鶯多並
舫來青雀看山寫翠蛾晚涼花底宿渺渺悵微波

題程溶川懷耕圖

遠山新翠滿煙扉木槿花邊看犢歸我有十雙田負郭
幾年前已理蓑衣

登水明樓眺水會園舊址寄蓮峯上人

水明樓數笏軒檻倚城開風定千花入波平一鷺來當
年盛壇坫聽客說池臺寄謝揚州鶴煩將問訊回

沙菊潭二丈偕過陳墨春八丈齋中看揚華山碑

並觀所作畫冊因留小飲歸後賦呈

秋風吹花花初胎尋花展破西鄰苔入門淵淵出金石
華山竊刻高崔嵬主人擁几氣磅礴手摹重紙研麝煤
波磔審睇極杪忽尺幅珍抵千玫瑰金天古翠撲眉宇
神寒骨重心顏開客緩讀碑請讀畫畫筆鬱律盤雲雷
驚溪之絹不滿咫晃金漾碧森樓臺煙縹窈窕翠欲滴
鸞花刻劃天難猜就中潑墨更恣肆直走艾竹僵茅梅
用法不爲六法縛摩空筆筆皆詩才想見擁被苦吟久

榴實山莊詩鈔

卷一

八

陰何撥盡寒鑪灰長風入帷日沈閣笑向花底呼尊壘
深情豪素觀二妙醉拓金戟無停杯碑字可乞畫難攔
秋夢與畫相盤徊

徐生菴先生六十生辰賦自壽詩置菊百種招同

人飲霽峯園因病未赴賦二詩奉之

城北觥籌倚晚開名園秋色酒邊來菊爲壽客同高致
詩襟仙心有別才一曲管絃新杖履數層雲水舊樓臺
劇憐斗室維摩詰散盡天花未許陪

幾分水竹領清閒六十年華鬢未斑鶯燕風懷張子野

元長格調白香山黃金散盡仍豪氣絳雪餐餘駐妙顏

舉似小三吾舊社東南風雅又追攀

行辟疆水繪園有
小三吾最爲幽勝

園址與霽
峯園相近

往新安展墓留別何石閭八丈

廿載家園夢青山怨不歸松楸荒馬豎貧賤對牛衣波
濤征帆動霜高獨雁飛殷勤尊酒意幸未素心違

渡揚子江

破曉開江去長風滿柁樓岍移平楚失潮冷遶山浮易
感菰蘆士難尋麟鳳州海門眞咫尺日夜水東流

榴實山莊詩鈔

卷一

九

舟中詠霜

鬢絲有客感年華青女娟娟夜作花雁背影寒山月小
楊牙聲滑水村斜瓊漿難覓雲英杵紅葉初逢杜牧車
江上芙蓉道旁柳曉鐘催冷滿天涯

虎邱

衰草長洲路斜陽短簿祠山平金虎歇樓迴木魚遲七
里鸞花舫三春艷冶詩我來尋講石清淨歲寒時

吳江道中

寶帶橋邊水氣涼隔隄飄影接湖光蕭蕭暮雨吳江路

楓葉全紅柳半黃

平望

漁艇成村落鳴榔聚晚煙波寬帆葉側網細水花圓
浪歌銅斗浮家近葑田何當攜釣具鷗鷺與周旋

釣臺

安車迢遞走蒲輪大澤羊裘問隱淪終是名緣天子重
笠檐簑袂豈無人

落日蒼茫冷將壇高臺突兀峙江干淮陰年少桐廬老
一代河山兩釣竿

榴實山莊詩鈔卷一

十

漁歌聲裏拂霜袍龍水雲寒不起濤夜半飛閣看象緯
郎官星大客星高

七里瀧魚歌

瀧上山色青如螺瀧前水紋平如鞞瀧中漁舟穿如梭
一聲欸乃來新歌鷓鴣飛煙魚出波紅翎碧眼清不說
各舟鷓鴣皆以鳴榔厲聲紛攢羅漁兄漁弟時相過就紅翎分別爲識
中丁髻纔勝衰照溪眉雙修蛾千絲平撒生圓渦風
斜雨細歸去那松根繫纜牽女蘿

東館

東館清霜夜天涯一棹還漁歸江上火客語月中山古
木暗深谷暮雲生故關消寒思買醉村酒問溪灣

界口

谿雲山雨枕函收風景依稀指歙州沙尾苔清魚可數
船脣石近水爭流便從猿鶴探鄉訊始悔江湖說壯遊
咫尺黃峯三十六金光瑤草滿高頭

梅灘

萬點山圍一尺水水罅砢砢森石齒一篙不爭水倒流
客歎奇絕舟子愁急湍湍激石譎詭如筍如襍如奔牛

榴實山莊詩鈔卷一

十一

六時超起舟六里鹽車峻坂羈驂駟我乘長風渡揚子
雲垂水立羣山浮鼉鼉蹴蹋翠蛟舞後策馮夷前陽侯
天吳紫鳳助條欵剎那百里蒲颺收如何歸夢夜飛越
曉坐灘石空夷猶藏舟壑谷趨可負或者大力來挾輶
差喜山態滿枕席煙鬟雨黛消煩憂咄咄請歌邪許聲
欲據上游須力爭

深渡

參天萬樹綠藏屋野渡一燈紅過溪蓬背西風吹酒醒
半山斜月竹雞啼

淪潭嶺

十丈松篁夾道栽青鞋寒蹕亂峯來林曉怪鳥斜通日
路轉危灘驟起雷礪石橋平松頂過山花茶老雪中開
淪潭亭畔多時立剔盡殘碑繡澀苔

梅口山行

故鄉多好山千里覲真面遙遲蘭漿停峭緊筇屨便蘿
磴緣數盤樵路通一縷扶藤俯陰崖攢石瀉回流足未
二分垂目先五色眩宛轉迴峯嶺泓曄曄奇變孺鐘壑
谷酣慘綠林樾絢蓬振風更飛松明雪猶戀同游異心
榴實山莊詩鈔卷一 主

抵新安舊居

檜柏留先澤冰霜念此生已甘買山隱難覓薄田耕冷
驛丹楓影危樓白雁聲誅茆依老屋練水映門清

溪上步月

酒薄銷偏易灘遙步不前山雲寒著樹溪月淡生煙人
語高樓笛燈明隔岸船獨來歌水調千里共嬋娟

溪上曲

君如溪中水儂似水中石水流石不轉悠悠數朝夕春
雨濕前溪摘茶門長爪五日茶槍齊六日茶旗老溪水
清見底日向溪邊過儂留照顏色君去慎風波

除夕有感

胡雁北鄉來越鳥南飛時不惜毛羽瘁千里覓故枝故
枝非不高空巢常苦飢灌莽各啁嘶雨霰何難縱搶榆
飛不起誰顧鳴聲悲矯矯雙黃鵠健翻摩霄姿朝出翔
雲表暮歸宿江湄

鬱鬱寒澗松吟風聲颼颼石忽延盼斤斧時相求一
榴實山莊詩鈔卷一 主

斷五采椽一剡萬斛舟椽架連雲屋舟濟滄溟流指顧
異千里見用不自由迴視舊林麓枝葉仍蠅蟻若云材
不材吾將問莊周

大圓潛輪運義靈無停轡如何當除夕頓與平昔異其
此燈燭光憂樂殊萬類令我冰雪懷對酒不能醉住山
良獨難出山豈遂易松柏留初心猿鶴有別意無爲勞
中賜朱華恐傾頓

至山斗訪程拂琴

得得籃輿自往還春前杯酒話鄉關重尋舊侶三年夢

添看新安百里山門外水雲驚客至雪中松竹向人閒
如何不蹋槐花路卧穩林泉髯亦斑

吟秋圖爲竹橋作

天宇澹碧生高煙一痕涼月秋娟娟空山窈窕白雲瘦
桐陰翠壓雙吟肩老鶴一戛雛鳳舞扶醉尋詩月卓午
吟秋何處秋可憐直與素娥鬪眉嫵

得酒謠贈程雪厓

雪厓長日心陶陶得酒如得綏山桃三蕉葉後心膽豪
糠粃塵事嗤徒勞時出俊辨清滔滔欲貴贈汝宮錦袍
榴實山莊詩鈔卷一

卷一

五

欲富贈汝黃紫標美人鉛黛揚雙翅才人荃蔭歌楚騷
黃雞白日相促促何苦如蠅鑽紙鷹繫條况聞平地多
波濤九疑對面峯巒高虛舟觸船人不怒醉者墮車神
不撓姑與啜醕哺其糟方寸之外輕鴻毛達士磊落俗
士笑伯倫視汝真蟲么我聞爲作得酒謠歌響未竟風
蕭颯

重過釣臺

乳香巖畔早春時來往煙波託櫓枝七里雨絲風片路
畫眉啼過子陵祠

如皋蒼滸補山

玉梅花謝雪初殘迢遞音塵欲問難射雉三年虛買笑
烹魚百里勸加餐白門秋老烏啼樹滄海春寒笛倚闌
同是天涯倦遊客故鄉山好夢中看

前溪

征帆葉葉下前溪溪水東流不復西我願沿溪山上樹
一枝枝有子規啼

送湯莊樵

客吟落落落涼夢閉煙蘿之子忽相顧碧雲秋思多清
榴實山莊詩鈔卷一

卷一

五

尊歡未歇歸棹急如何波路月初白浦蓮生遠歌
聞絡緯憶靖江故居

青桐影落月昏黃簾外娟娟露氣涼二十五年燈下夢

豆花圓角絡紗幮

靖江呼絡緯爲絡紗幮

柬王厚菴兼懷孫松甫

珠園水木漾空明別後池臺想更清煮雪未知誰共語
看梅定與鶴同行隔簾月魄初三影倚枕更籌廿五聲
爲問酒樓舊孫楚諒能解我歲寒情
孫復初畫行看子貌余於其右索題

團團桂之樹上有雙飛禽文彩各異質相對交好音一
願集深谷一願翔上林同抱夢廓意不盡纏綿心望雲
令人高洲海令人深滿酌杯中酒與君往復斟

縹緲昆侖墟層城高九重其上曰元圃其下曰樊桐綽
約諸仙人往往棲其中霞餐復雲卧紅頰雙青瞳慈山
萬餘里處處青芙蓉仙人未住處常有無數峯安得我
與君並轡驂蚪龍追隨羣仙後永葆冰雪容

學之

時復初講
性命雙修

昔有相思人命駕輒千里我與君同岑相去但尺咫君

榴實山莊詩鈔

卷一

七

何視爲遠並圖入畫裏人生如風雪出處難預擬一旦
搏扶搖南北可異軌持此相周旋晏笑無時已車馬雖
間關襟裳尙聯綺岩岩江上山湛湛江中水我願山水
間再寫數知己

荅常高庵

一鶯嚙花花滿牖延花同醉補山酒萬花卧月月滿堦
邀月同噴高庵詩新酒一醉一回嬾新詩一讀一回緩
月魂花骨兩雕鏤字字春風向人暖天葩旖旎才人才
粟界湧現千樓臺百三十首蹙錦綉嵌以青珠紅玫瑰

金鷄側筵屏風開翠蛟舞波長風來有時天宇湛空碧
老鶴瘦抱孤山梅詩境奇闕足光怪雲龍上下誰能陪
繫鞵豈止三舍避旗鼓直欲千人摧明光作賦貢玉陛
軟紅一蹋鞭重回天使扶輪倡大雅東南壇坫開尊轡
醲醲烟溼櫻桃雨射雉城邊識君處笑我年年彈水仙
對君束琴不敢語雨香庵裏笏成竹詩榻苦吟奪新綠
訪君知君詩滿幅坐向水明樓上讀

金鏤

壬辰得副車作

金鏤藏樊啟洞房博山爐暖鵲斑香牕前十斛新螺黛
榴實山莊詩鈔

卷一

七

祇畫徐妃半面妝

一股鸞釵門草歸爭春心事是耶非重翻繡譜尋花樣
好向東風換舞衣

解唱新歌便有情珠喉宛轉學流鶯如何十八胡笳拍
副榜名不及霓裳一尾聲

又是相憐又是嗔教儂嚙笑兩傷神朝來女伴殷勤慰
多少春冰溼枕人

生菴先生與哲嗣壽莊入都詩以送之

紫鳳排間閣翱翔攜其雛紅鵲舉江海纏綿別諸鳥尊

酒寄繾綣風雲指搏扶輕颺從東來吹綠庭前蕪御觴
各積息飛夢龍城隅行矣步天關揖謝轅下駒

青岱有雄姿黃流無停波驅車一以眺秋色生關河似
聞渠中語金臺高嵯峨懷古抒奇情寶劍三摩挲挾瑟
大道倡婉孌誇脩蛾紅絃向客繁奈此娟娟何落日多
風沙千里蒼茫過行役邨不感吟寄山中蘿

昔聞長安美出門西向笑蹀躞長安中軒眉豁條歡懷
中一寸冰持以語清要篋中一尺書奉以獻

廊廟激流及蓬瀛攀芳厯綿嶠從廣天上謠一洗人間

榴實山莊詩鈔卷一

六

調依斗望京華玉卮爲君酬

消寒雜詠

圍爐

寒爐靜擁影婆娑茵褥穩簾坐嬾寫雙袖漫籠垂紫鳳
一杯小飲暖紅螺薰香佳客留談久點雪枯禪入悟多
怪底耽吟詩骨瘦笑從灰裏撥陰何

擁被

一幅青綾久自隨霜晨月夕峭寒時幸無衙鼓催人早
常恐書燈妬睡遲偶戀春尋前度夢最多稿是此間詩

梅花紙帳清閑味多少金龜客未知

煨芋

學煮仙家白石來紅泥小火地爐開選時大有掄魁意
分處誰爲作相才自是圍收供歲晚每防書誤被人猜
東坡玉糝同風調冒雪無從覓酒材

爆栗

紙閣曹騰梢柑紅閑拋山栗樂兒童驚人竟有先聲奪
得勢真如脫穎工半褪紫衣輕麗殺一痕黃玉綻玲瓏
寒宵隸事誰多少莫學休文諂乃公

榴實山莊詩鈔卷一

九

炙硯

侵曉安排鵲尾爐一池波暖眼窺確墨痕化比詩心活
石骨堅知火氣無若笑冬烘真絕倒却從凝煉見工夫
閒牕好滌冰甌筆帖寫宜春几淨鋪

烹雪

散雪新歌一曲殘竹爐松火薛階安翦來花水痕難覓
聽徹瓶笙韻亦寒剛近梅梢驚鶴夢預排茗椀試龍團
覺家風味都全別祇解紅羅帳底看

雪夜東洪南垌

畏寒常遣畫簾垂咫尺偏多別後思
欹枕獨看春早雪
停杯重讀寄來詩
盆花綠萼初開處
燈蕊紅蕤欲燃時
近憶美人樓閣底
十三瑤柱理冰絲

夜坐

地僻苔侵石松涼露滿衣
身隨雲共住心與鶴忘機
花事客中嬾藥苗
春後肥釣車明日理江上覓魚磯

酬家梅孫孝廉時主講雒皋書院

仄徑莓苔屐齒侵
絳桃吹老講堂深
停雲人共天涯酒
落日春寒海上琴
與石盤桓松有態
看花來去燕無心

榴實山莊詩鈔卷一

辛

早知詩稿牛腰束
飯顆相逢莫苦吟

真州返魂梅爲陳月卿作

舊港平蕪綠化煙
東風難問劫灰年
嫩寒照夢二分月
翠羽不來花滿天

題月卿海天片石圖

北風吹海海水立
多年老蛟捧珠泣
化爲瘦石蹲海濱
萬尺銀濤向根鬻
月卿屠龍好身手
以足驅石石不走
安得一泓瀉杯中
醉歌曉策扶桑紅

移居

春蠶一寸繭秋鳥一尺巢
顧此棲息計身心爲之勞
平生足意氣百尺浮雲高
如何迫雨雪慙沮不敢豪
汗駒亦伏慙斤鷄亦搶蒿
孤雲獨無依斯言吾憶陶
枳有時棲鳳夢未嘗無蟲
寒士思大厦融誦阿房宮
安得環堵室聊以蔽雨風
東壁積圖史西牖栽椅桐
淵淵出金石歲月長此中
斯願亦易足息壤將何從
車馬出達路閱闌列通衢
不爲洛陽賈定作府中趨
客言此卜宅湫隘羈塵俱
笑汝澹蕩人近市不可居
我愧非名士豈敢棲菰蘆
朝夕得所求請學晏大夫

榴實山莊詩鈔卷一

壬

龍慧寺畫壁

古寺秋煙裏當門樹影涼
客如諸佛冷僧比老農忙
細草侵危石殘鐘出夕陽
聲聞參不解却有木樨香

題蓮峯朝山行記

萬里煙霞一卷收
峨嵋古雪華山秋
鉢中麻麥隨緣住
雲裏龕燈爲佛留
澗谷不驚深夜虎江湖時見故鄉鷗
芒屨峭緊吾焉得讀向華嚴作卧遊

環溪舟中坐雨

蓬背秋聲碎溪邊倚醉聽
荻搖低岸白山失隔江青柳

重鴉難起橋喧展不停誰家臨水佳煙外晝常局

石尼行

女貞木枝黝蚪誰欺摧之噫鶴朝霜暮霰樹不死湔

之滌之江之水一解石家有女好顏色鳶蘿隔鄰託松

柏可憐貧女婿難擇二解青廬開鄰姥來嘖嘖稱女如

瓊瑰女意惕惕作纖步上堂拜姑姑色怒三解作女掌

中珠作婦道旁蕪昔無完襦今無完膚背鐙飲泣鐙爲

枯鐙燦燦女心碎四解女不嗟姑勃谿操杖擊女欲女

爲鶻女息奄奄聲漸漸姑掩關卧搥牀大詆詰朝將而

榴實山莊詩鈔

卷一

三

飲鯨鯢五解冷月射扉秋風吹夜中夜女甦屏屏何依

自念葬魚腹不如向佛深懺前生非闕戶彳亍行誓佛無

歸六解女潛亡矣姑心惶矣衆室於怒母族強矣百舌

一辭沈之江矣七解明明邑侯獻贖而疑趣駕江汭搜

波剔湄道旁觀者歡喜涕洟八解三老突來前致詞移

華菴尼神似之朝判牘下葬女伏階墀白日昭昭天四

垂九解女歸告佛佛亦駭人間真有虛心宰女貞之木

青不改十解

題脩到梅花館

流水滌輭紅空山蘊疏碧春風三百樹羅浮在咫尺老
鶴呼不歸仙館敞幽適酒夢生雪朝吟魂澹煙夕中有
餐花人前身指蟾魄

榴實山莊詩鈔

卷一

三

榴實山莊詩鈔卷二

裸感

吳存義 和甫

庭樹烏未曉車聲遠巷出月落參橫斜轆轤不肯息黃塵高十丈結軫去如織文瑤鏤華輶連錢飾鍍勒汗溝何駮駮迅刷爭晷刻借問客胡爲相視對以臆長波無逸鱗喬柯尠倦翼瞻言金門隱望古豈易得

弱冠操觚翰局促耽鄉里聞客長安來歎唾亦可喜一旦搏扶搖通籍金闕裏峩峩闔閭居濟濟卿相軌如何

榴實山莊詩鈔卷二

一

清夜夢輒入舊牕几身爲出岫雲心作在山水簪纓與蘿薜結言託君子

芳渚生蘭茗婀娜巢翠禽旦旦其棲息宛轉揚其音高風吹弱翮千里翔華林鵲鷺相頡頏鸞鳳相歌吟朝遊元洲湄暮宿丹山岑豈不耀文采相託有淺深眷懷江上侶長保歲寒心

題陳東之篆書楹帖

元龍豪氣太嶽奇袖裏神珠應手馳親見霜毫橫埽日廿年心力嶧山碑

恨未遺書著等身零縑斷墨總堪珍不須更聽山陽笛讀向春風自愴神

喜晤李小蓮

幾年江海別意外橐裘來幕府留詩本風塵試吏才鄉心生水國秋夢滿金臺無限蒼茫感宵闌託酒杯

和東坡饋歲別歲守歲三首原韻與子序同作

閭閻多風雪冠蓋集賓佐歲晚聯餘歡山海珍貨冰魚裏鱗纖棧鹿堆尾大往餉金盤高來歸玉瓶臥副以新唐花嫣紅照深座童僕紛如織歲歲驢踏磨令官獨

榴實山莊詩鈔卷二

二

何爲佳節掩關過忍寒出新詩裁筒索酬和我別京華歸車行常恨遲歲華別我去行速偏難追不

恨歲易別但念生有涯饒歲置尊酒願歲駐少時寒梅花初胎凍雪添愈肥花下一斟酌幸無遲暮悲况有素心人酣醉勿復辭對花呼玉醴莫令朱顏衰

作詩如寒蟲作字如秋蛇歲歲守故轍汗顏那可遮舊歲行欲盡新歲當如何中夜推枕起萬籟清無譁獨念下瀨船誰作迴颿擲空庭散微步珠斗光橫斜承明有著作壯歲毋蹉跎飽讀東觀書此願當非誇

晚坐

經旬足夜雨積水當階生憑軒一俯眺中有流雲行倒影寫樹石衆綠交縱橫既無行藻雜復少鳬驚爭天光與蕩漾上下餘空明測之不盈指迺有千尺情悟彼靜虛理所得在懷清小坐有詩意壺觴聊自傾霽色上高槐歸鳥相和鳴

和汪少泉夢遊黃山詩原韻

昔歲挂歸帆看山枕席上窈窕數百里層巒如疊浪慣見亦尋常久別却惆悵卽今踏軟紅何處賞清曠黃峰

榴實山莊詩鈔卷二

三

與白嶽懸想難景狀祇向齋壁間捫視山水障宛如畫駿馬格具神不壯君胸盪層雲浩浩祛俗悵新詩敵顏謝遐契結禽向飛夢落天都蒼翠接諸相醒來自追寫雲石獨醞釀何當卅六峰高處將悔放

題畫

五雲池館曉玲瓏淺碧深紅各一叢花韻初晴藤上格倚闌隨意寫東風分無燕笋堆青案那得鱗魚出翠濤賸有江南風味好柳花時節賣櫻桃

擬老將行

北斗卓地迴衝颶吳鉤一拂霜花高歸逢醉尉不敢叱將軍意氣騰餘豪少年學挽黃肩弩短衣夜射南山虎夢裏時聞勒勒歌閒來愛作巴渝舞三十從戎向賀蘭白狼冰結鐵衣寒長風躍馬吹笳上落日盤雕然箭看雄心轉戰橫青海陰山雪照明光鎧一萬重花塞北春三千丈髮天西改年年刁斗臥金微玉帳曾揚奇聞威親傳露布防秋定自製饒歌唱凱歸歸來寫上麒麟閣英姿爭肯輸褒鄂頭白猶呼曳落河時平寥寂韜鈴畧

榴實山莊詩鈔卷二

四

酒酣重憶舊龍沙笑指盈顙說鬢華騎驢湖上雙隄柳荷鋪門前五色瓜種瓜蹠柳春如此洗兵直瀉銀河水袁厚齊同年作消寒集用東坡江上值雪詩韻余以事未赴何蓮仿同年以詩來依韻答之兼柬

厚齊

十日坐損搗牀龜門外黃塵深不知北風挾纒入庭樹時聞鷄栗寒更吹地鏹對擁亦不惡偶憶舊句然吟髭瓶笙細細出蚓竅有如凍溜行冰漸茶夢正圓靜室靜酒兵敢門危城危城南壇帖建旗鼓坐中健者推袁絲